



Inatsisartunut ilaasortaq Peter Olsen
/UANI

**Nipilersortartut eqqumiitsuliortullu akileraartarnerat kiisalu GER-
eqalersinnaaneratt pillugu §37 naapertorlugu apeqqutinut nr. 171 aamma
174-imut akissutit**

Brevdato: 14-07-2017
Sags nr. 2017 - 15347
Akt id. 5752814

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Asasara Peter Olsen,

Inatsisartut suleriaasianni § 37, imm. 1 naapertorlugu nipilersortartut
eqqumiitsuliortullu akileraartarnerat kiisalu GER-imik nalunaarsuiffik pillugit
Naalakkersuisunut apeqquteqarsimavutit. Apeqqutigineqartut uannut
akisassanngortinneqarput.

Apeqqutit sammisamut ataatsimut tunngammata ataatsikkut akineqarput.

Akissuteqarnissamut Akileraartarnermut Aqutsisoqarfimmut kiisalu § 37-mut
apeqqut nr. 174 pillugu Inuussutissarsiornermut, Suliffeqarnermut, Niuernermut
Nukissiuuteqarnermullu Naalakkersuisoqarfimmut paasissutissanik
aallertoqarpoq.

Apeqqut nr. 171

**a. Nipilersortartut eqqumiitsuliornermillu ingerlataqartut ukiumut
akileraarutigisartagaat nunatta karsianut nakkartartut qanoq
annertutigippat?**

Eqqumiitsuliortutut ingerlatsinermit akileraarutinit isertitat pillugit immikkut
ittumik naatsorsuutinik Naalakkersuisut pigisaqanngillat. Akileraartarnermut
Aqutsisoqarfiup inuup akileraarutai inuup normuisigut, sulisitsisutigut il.il.
nalunaarsortarpai, inuilli ataasiakkaat isertitaat atorfi naapertorlugit
nalunaarsorneq ajorlugit.

**b. Nipilersortartut eqqumiitsuliornermillu ingerlataqartut allat
akileraartarnikkut oqilisaavigineqarsinnaaneratt pillugu naalakkersuisut
qanoq pilersaaruteqarpat?**

Eqqumiitsuliortutut ingerlatsinermit akileraarutit pillugit maanna inatsisaasunik
allanngortitsinissamut Naalakkersuisut maannakkorpiaq pilersaaruteqanngillat.

c. Periuutsimmita qanoq ittut atorlugit nipilersortartut eqqumiitsuliornermillu ingerlataqartut allat akileraartarnikkut oqilisaavigineqarsinnaappat?

1. Inuussutissarsiutigivillugu nipilersortartunut eqqumiitsuliornermillu ingerlataqartunut?

2. Saniatigooralugu nipilersortartunut eqqumiitsuliornermillu ingerlataqartunut?

Periarfissat amerlasoorpassuummata tamakkiisumik akissuteqartoqarsinnaangilaq, assersuutigaluguli eqqumiitsuliornermik ingerlataqarnermi isertitat tamaasa ilaaluunniit akileraarnikkut oqilisaaffigineqarnikkut/ akileraarusiisussaanginnikkut, imaluunniit eqqumiitsuliornermik ingerlataqarnermi isertitanut tunngasumik annerusumik minnerusumilluunniit ilanngaasiinikkut il.il. pisinnaapput.

d. Nipilersortartut eqqummiitsuliornermillu ingerlataqartut allat akileraartarnikkut 15 %-mut appaavigineqassagaluarpata nunatta karsianut tamanna qanoq naleqassagaluarpa?

Maannakkuugallartoq naatsorsorneqarsinnaangilaq tak. apeqput a-mut akissut.

e. Inuussutissarsiutigalugu nipilersornermik eqqummiitsuliornermillu ingerlataqartut allat ukiumut isertitaat siulliit 200.000,-usut akileraarutigineqartannginnissaannik aaliangertoqassagaluarpat nunatta karsianut tamanna qanoq naleqassagaluarpa?

Apeqput d-mut akissut takuuk.

f. Saniatigooralugu nipilersornermik eqqummiitsuliornermillu ingerlataqartut allat ukiumut isertitaat siulliit 50.000,-usut akileraarutigineqartarunnaassagalualuarpata nunatta karsianut tamanna qanoq naleqassagaluarpa?

Apeqput d-mut akissut takuuk.

g. Apeqqutit qulaani pineqartut nunatta karsianut qanoq naleqarsinnaaneri nalilersorinnaajumallugit paasisutissat suut pisariaqarpat suullu amigaataappat? Qanoq iliornikkut paasisutissat tamakku misissorneqarsinnaappat katersorneqarsinnaappallu?

Tamatumani minnerpaamik akileraartartut atorfiit naapertorlugit isertitaannik naatsorsuisoqarnissaa pisariaqartinneqassaaq, tamannalu ilaatigut sulisitsisut tamarmik atorfiit naapertorlugit ataasiakkaat akissarsiaannik nassuiaallutillu immikkoortiterisalernissaannik imaqassaaq.

Kiisalu erseqqissumik nassuiarneqassapput kikkut nipilersortartutut eqqumiitsuliornermillu taaneqarsinnaanersut, matuma ataani erseqqissumik

nassuiarneqassaaq eqqumiitsuliap suunera, taamaattumillu eqqumiitsuliortup qaqugukkut eqqumiitsuliornermik ingerlatsinerminik isertitani isertitarinnginnerai nassuiarneqassalluni. Eqqumiitsuliortutut taaguut illersorneqanngilaq, taamaattumillu kialuunniit taaguut atorsinnaavaa.

Akilaartarnermut oqartussat akilaartarnermut inatsimmik aqutsisuupput. Sanaanik eqqumiitsuliornikkut pitsaassuseqarluartunik kiisalu sanaanik, piumasaqaatinut naapertuutinngitsunik naleqquttumik immikkoortitsinissaq akilaartarnermut oqartussaasunut ajornakusuusaaq. Eqqumiitsuliortunillu salliutitsilluni, akilaartarneq pillugu inatsisinik taamungaannaq pingaarnersiorlunilu aqutsisoqarsinnaanera aarlerinaateqarpoq. Tamannalu akilaartarnermut oqartussat sulinerat pillugu ataqqinninnermut innarliisinnaavoq kiisalu eqqumiitsuliortunit eqqumiitsuliornermik suliaqartutut isertitaqartutut nalilerneqanngitsunik naapertuilluannngitsutut isigineqarsinnaalluni.

Apeqquut nr. 174

Aallaqqaasiutitut oqaatigineqassaaq, Qitiusumik Suliffeqarfinnik Nalunaarsuiffimmi nalunaarsuisarneq pillugu Inatsisartut inatsisaat nr. 33, 28. november 2016-imeersoq naapertorlugu 1. januar 2018 aallarnerfigalugu Kalaallit Nunaanni inatsisit naapertorlugit ingerlatsiviit nioqqutissiorfiillu Qitiusumik Suliffeqarfinnik Nalunaarsuisarfimmi (CVR-mi nalunaarsuiffik) nalunaarsorneqassapput.

1. Nipilersortartut eqqumiitsuliornerullu silarsuaata iluani ingerlataqartut allat GER.NR.-qalersinnaappat?

Aap, Inuussutissarsiummik Ingerlataqartunik Nalunaarsuiffik pillugu Inatsisartut inatsisaat nr. 10, 29. oktober 1999-imeersoq naapertorlugu Kalaallit Nunaanni pisortat suliffeqarfii suliffeqarfiillu namminersortut tamarmik Inuussutissarsiummik Ingerlataqartunik Nalunaarsuiffimmut nalunaarnissaminnut pisussaataapput. Tassa imaappoq, nipilersortartoq allatulluunniit eqqumiitsuliortoq inuussutissarsiummik namminersorluni ingerlatsisutut Inuussutissarsiummik Ingerlataqartunik Nalunaarsuiffimmut GER-normumik pilersitsissaaq.

a. Aap-iuppat: qanoq sumullu atorineqarsinnaava?

GER-imik nalunaarsuiffiup siunertaraa:

- Kalaallit Nunaanni suliffeqarfiit pillugit tunngaviusumik paasissutissanik katersineq

- Suliffeqarfinnik ingerlatsivinnillu assigiissaartumik kisitsisilersuineq
- Pisortanut namminersortunullu tunngaviusumik paasissutissanik tunniussisinnaaneq.

GER Akileraartarnermut Aqutsisoqarfiup ataani inissisimavoq. Tassani suliassat makku suliarineqartarput:

- *Paasissutissanik nalunaarsuineq*
- *Nalunaarsuiffik pillugu allaffissorineq*
- *Paasissutissanik atatitsineq*
- *GER-normunik D-normunillu tunniussineq*
- *Suliffeqarfiit ilisarnaataannik tunniussineq.*

GER-normu suliffeqarfiup CPR-normuatut isigineqarsinnaavoq, aamma matuma ataani namminersortup inuussutissarsiornermik suliffeqarfiutaata. Ilaatigut GER atorneqartarpoq, namminersorluni inuussutissarsiummik ingerlatsisup suliffeqarfik sinnerlugu nammineerluni nalunaarsuineranut atatillugu. GER-normu ilaatigut akileraaruseriffiup atortarpaa namminersorluni inuussutissarsiummik ingerlataqartoq pillugu paasissutissanik piniarnermini, taamaasillunilu nakkutilliinermut aamma atorneqarsinnaalluni.

2. Nipilersortartut eqqumiitsiliornerullu silarsuaata iluani ingerlataqartut allat GER.NR-mullit, Aningaasarsianit akileraarutit aamma sulisoqarnermut akitsuutip akilersinneqartarneri pillugit Namminersorlutik Oqartussat nalunaarutaat nr. 10, 20. september 2011-meersoq § 7 imm. 8 malillugu aningaasarsiat akileraarutaanniit A-nit akileraaruserneqartussaava?

Eqqumiitsuliortup akissarsiai akileraarutitik-A-nik akileraaruserneqassanersut aalajangiisussat qitiusut tassaapput, akissarsiat suuneri kiisalu tiguisoq kinaanersoq. Akissarsiat assigiinngitsut akileraartarnikkut suliarineqartarneri aamma assigiinngillat. Assersuutigalugu eqqumiitsuliortup qalipakkaminit eqqumiitsulianik katersugaasivimmut tunisaminit isertitai aningaasarsiat-B-ussapput, kisiannili kisimiilluni erinarsortartutut, isiginnaartitsisartutut, nipilersortartutut atuakkiortutulluunniit akissarsiat aningaasarsiat-A-jussallutik. Tamanna aamma atuuppoq taakku ilaat namminersorluni inuussutissarsiummik suliffeqarfimmut ilaagaluarpata. Tamanna oqaluttuarisaanikkut pisariaqarsimavoq, paasinarsisimammat isertitat akileraartarnikkut eqqortumik suliarinissaat qulakkiissallugu ajornakusoortoq.

Akuttunngitsumillu misigineqartarpoq, akileraartartut suliakkiisunit assigiinngitsunit arlalinnit isertitaqartartut. Tamanna isumaqarpoq, akileraartartoq akileraarutitik-A-nik akileraarusiiffiusussanik

isertitaqarsinnaasoq kiisalu inuussutissarsiutitut isertitanik, taamaasillutik akileraarutitik-A-nik akileraarusiiffiusussaannigitsunik isertitaqarsinnaasoq. Tamanna inuussutissarsiummik ingerlataqartunut, matuma ataani eqqumiitsuliortunut atuukkajuttarpoq.

Isumaqqarpoq, nipilersortartoq assersuutigalugu qaammammi ataatsimi KNR-imi raatiukkut aallakaatitassiortuusimaguni, taava tassannga isertitamik akileraarutitik-A-nik akileraaruteqassaaq. Nipilersortartoq kisimiilluni tusarnaartitsisimaguni tusarnaartitsinermilu kingorna CD'nik tunisisimaguni, CD'nik tunisineri aningaasarsiat B-ussapput, kisiannili nipilersortartup tusarnaartitsinermi isertitai nalunaarummut qulaani taaneqartumut ilaassallutik, taamaattumillu nipilersortartup akissarsiaanit aqqissuussisup akileraarutitik-A-nik akileraartissavaa.

Taamaattumillu ersarissassallugu pingaaruteqqarpoq, akileraartartup nammineq inuussutissarsiut pingaarnertut isigisaa akileraarutitik unerartitsisussaataaernermit aalajangiisuuneq ajormat, isertitalli suussusaat aalajangiisuusarlutik.

Eqqumiitsuliortoq nammineq sulisitsisuuguni, taava akileraaruseriffiup sulisitsisunik nalunaarsuiffianut ilanngutissaaq. Nammineq sulisitsisuugaanni, namminersorlutik oqartussat nalunaarutaat nr. 10, 20. september 2011-meersoq naapertorlugu unerartitsisussaataavoq, taamaattumillu akileraarutitik-A-nik kiisalu akiliinerni AMA-nik unerartitsissutaasussani eqqortumik unerartitsinissaq qulakkeerinnissalluni.

a. Aap-iuppat, taava Naalakkersuisut isumaat naapertorlugu nipilersortartut eqqumiitsuliornerullu silarsuaata iluani ingerlataqartut allat GER.NR. sumut atorsinnaavaat – qanoq iluaqutigisinnaavaat?

GER. nr. imminermini nalunaarsorsimasunut akileraarutitigut ilanngaatinut assigisaannullu atortuunngilaq, inuussutissarsiutinilli ingerlataqartunut nalunaarsuiffiuvoq. CPR-imut aqqissuussinertut, GER-nr.-mut aqqissuussinerup qulakkeertarpaa, pisortani systemit arlallit akornanni nalunaarsorsimasunik assigiissaartumik uppersaateqqarneq.

Pisut ilaanni eqqumiitsuliortut aningaasarsianik A-nik akissarsisarput. Tamatumani assersuutigalugu ilaapput nalinginnaasumik akissarsiutigalugu sulinermit imaluunniit imerniartarfinni neriniartarfinniluunniit appisimaarnermut atatillugu akissarsiat. Pisunili allani eqqumiitsuliortut isertitai aningaasarsiat B-usarput. Tamatumani assersuutigalugu ilaapput qalipakkanik, CD'nik assigisaannillu tunisinermi isertitat. Taakkunani isertitat GER.nr.-mut nalunaarsugassaasarput.

Eqqumiitsuliortunut ataasiakkaanut GER.nr.-up iluaqutigisinnaavaa, eqqumiitsuliortup nammineq ajornanngitsumik nalilersinnaammagu isertitat aningaasarsiat A-junersut, taamaasillunilu isertitani akissarsiutigigamigit akileraarutit A-nik akileraaruserneqarsimanersut. Taamaasillunilu eqqumiitsuliortup ilisimavaa, suut aningaasarsiat B-unersut, taamaattumillu akileraarutit B-t naatsorsorneranni aningaasarsiat qanoq annertutigisut ilanngunneqassanersut.

Eqqumiitsuliortup aningaasarsiaasa A-jullutillu B-usinnaanerata allanngortinngilaa, aningaasarsianit akileraarutit pillugit inatsimmi § 24 naapertorlugu nammineq nalunaarsuinikkut inuussutissarsiornermut isertitanillu qulakkeerinnillunilu atatitsiinnarnermut aningaasartuutinut ilanngaateqartoqarsinnaanera, soorlu inuussutissarsiummik ingerlatsisut allat taamaaliorsinnaasut.

Inussiarnersumik inuulluaqqusillunga

Med venlig hilsen

Aqqaluaq B. Egede